



JABATAN HAL EHWAL AGAMA ISLAM PULAU PINANG

Khutbah Bulan November

2021M/ 1443H

TARIKH	TAJUK	Bil.
5 November 2021M/ 29 Rabiulawwal 1443H	TAKUT YANG TERHAKIS	.1
12 November 2021M/ 7 Rabiulakhir 1443H	JAUHI AQIDAH YANG SESAT	.2
19 November 2021M/ 14 Rabiulakhir 1443H	CARI YANG HALAL, HINDARI YANG HARAM	.3
26 November 2021M/ 21 Rabiulakhir 1443H	TENANG TANPA HUTANG	.4
Khutbah Kedua		

Percetakan dibiayai:



زكاة فولاو فينغ

No. Telefon: 04-549 8088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang (JPNPP)
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



TAKUT YANG TERHAKIS

(5 November 2021M/ 29 Rabiulawwal 1443H)

الْحَمْدُ لِلَّهِ مُعِزِّ مَنْ خَافَهُ وَاتَّقَاهُ وَ مُذِلِّ مَنْ خَالَفَ أَمْرَهُ وَعَصَاهُ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ أَصْطَفَاهُ وَاجْتَبَاهُ.
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ دَعَا بِدَعْوَتِهِ وَاهْتَدَى
بِهَدَاهُ. أَمَّا بَعْدُ، فَيَا عِبَادَ اللَّهِ، أُوصِيكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

SIDANG JEMAAH YANG DIRAHMATI ALLAH,

Pada hari yang penuh barakah ini, khatib ingin mengajak sidang jemaah semua untuk merafakkan setinggi kesyukuran atas nikmat Iman dan Islam. Ayuh kita rebut kesempatan pada usia yang masih berbaki ini untuk terus memperkukuh keimanan dan ketaqwaan kepada Allah dengan melaksanakan segala perintah-Nya dan menjauhi segala larangan-Nya.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-berbual, tidur dengan sengaja dan bermain telefon bimbit. Bagi

melengkapi kewajipan solat Jumaat hari ini, marilah kita menghayati bicara mimbar yang bertajuk: **“TAKUT YANG TERHAKIS.”**

SIDANG JUMAAT YANG DIRAHMATI ALLAH,

Sifat takut adalah salah satu daripada cabang naluri atau fitrah manusia. Allah **سُبْحَانَهُ وَتَعَالَى** mencampakkan rasa takut di dalam hati hamba-hamba-Nya, untuk menyelamatkan manusia daripada kemudaratan.

Takut kepada panas, menyelamatkan manusia daripada tercedera memegang api. Takut kepada rompakan dan kehilangan, manusia akan menjaga aspek-aspek keselamatan diri atau harta benda. Dan yang sedang kita lalui dua tahun ini, takut kepada penyakit, menjadikan manusia berusaha lebih menitikberatkan aspek penjagaan kebersihan dan kesihatan.

Walau bagaimanapun, sifat takut ini boleh berubah daripada baik kepada buruk, apabila ia tidak diletakkan pada tempat yang betul. Perasaan takut yang keterlaluan, boleh merosakkan diri sendiri.

Justeru, Allah **سُبْحَانَهُ وَتَعَالَى** mengingatkan orang-orang yang beriman, agar belajar mengurus ketakutan dengan sewajarnya. Mereka juga diberi peringatan supaya menyiapkan diri, kerana ada ketikanya, orang-orang yang beriman ini akan diuji oleh Allah **سُبْحَانَهُ وَتَعَالَى** dengan beberapa

cabaran kehidupan termasuk ujian berupa ketakutan. Firman-Nya dalam Surah al-A'raf ayat 94:

وَمَا أَرْسَلْنَا فِي قَرْيَةٍ مِّن نَّبِيٍّ إِلَّا أَخَذْنَا أَهْلَهَا بِالْبَأْسَاءِ وَالضَّرَّاءِ لَعَلَّهُمْ يَضَّرَّغُونَ ﴿٩٤﴾

Maksudnya: “Dan (Tuhan berfirman): Kami tidak mengutus dalam sesebuah negeri seorang Nabi (yang didustakan oleh penduduknya), melainkan Kami timpakan mereka dengan kesusahan (kesempitan hidup) dan penderitaan (penyakit), supaya mereka tunduk merendah diri (insaf dan tidak berlaku sombong takbur).”

Inilah bentuk ujian yang akan melazimi kehidupan kita. Kesemuanya datang dengan maksud yang jelas, iaitu sebagai desakan daripada Allah untuk menzahirkan siapakah di kalangan kita yang akan melakukan yang terbaik di dalam hidup ini, tatkala berdepan dengan ujian-ujian berkenaan.

MUSLIMIN YANG DIRAHMATI ALLAH,

Firman Allah dalam Surah al-Baqarah ayat 155:

وَلَنَبْلُوَنَّكُمْ بِشَيْءٍ مِّنَ الْخَوْفِ وَالْجُوعِ وَنَقْصٍ مِّنَ الْأَمْوَالِ وَالْأَنْفُسِ وَالثَّمَرَاتِ ۗ وَبَشِّرِ الصَّابِرِينَ ﴿١٥٥﴾

Maksudnya: “Dan sungguh akan Kami berikan cubaan kepadamu, dengan sedikit ketakutan, kelaparan, kekurangan harta, jiwa dan buah-buahan. Dan berikanlah berita gembira kepada orang-orang yang sabar,”

Antara ujian yang tersenarai itu, Allah ﷻ meletakkan ujian takut sebagai ujian pertama kerana ketakutan itu boleh bersarang dan menguji manusia sebelum ujian yang sebenarnya terjadi.

Seorang yang mahu mengamalkan Islam, mungkin membayangkan kesusahan hidupnya apabila pilihannya tidak disenangi keluarga dan rakan, bimbang tidak dapat naik pangkat, sukar mendapat pekerjaan dan pelbagai lagi kerisauan yang muncul dalam diri, sebelum ia sebenarnya berlaku. Bahkan mungkin ia tidak akan berlaku.

Sedangkan hakikatnya Allah ﷻ memujuk orang-orang yang beriman agar membuang rasa takut itu dengan pelbagai cara. Misalnya, pada bahagian awal ayat tersebut, Allah menggunakan kalimah 'بَشَىْ' yang menunjukkan sedikit. Maka sesungguhnya, sebesar mana sekali pun ujian yang mendatang, ia hanya secebis dari ketakutan yang sebenar.

Sebagai contoh, sekiranya seorang ayah takut untuk menegur isteri atau anak perempuan bagi menutup aurat dengan sempurna, sebesar manakah ketakutan itu jika dibandingkan dengan azab di akhirat sekiranya teguran itu tidak dilakukan?

Sebagai peniaga yang ingin menjemput rezeki yang berkat dari Allah, pastinya rasa takut pada Allah akan

menghalang mereka dari menjual produk dengan kaedah promosi yang keterlaluan. Ini kerana ada yang sanggup menggadai maruah dengan mendedahkan aurat, berkelakuan tidak senonoh, berkata lucah dan beraksi ghairah tanpa malu dan segan. Malah lebih menyedihkan, ada yang melenting ketika ditegur sehingga menyebut: “Jangan ambil kerja Tuhan.” Hakikatnya yang menegur itu sedang mengikut arahan Tuhan iaitu *Amar Makruf Nahi Mungkar*.

SIDANG JUMAAT YANG DIRAHMATI ALLAH,

Realiti hari ini, kita berdepan dengan suatu fenomena yang luar biasa. Ketika orang-orang soleh semakin takut-takut untuk mempertahankan prinsip dan keimanannya kepada Allah, manusia yang lupa Allah pula semakin hilang rasa takut dalam kehidupan.

Ada sebahagian anak-anak muda seperti *mat rempit* yang menjadi berani secara melulu hingga tiada sekelumit rasa takut dengan ancaman kematian atau kecacatan diri yang serius. Mereka beranggapan hidup hanya sekali, sedangkan mereka lupa MATI juga hanya sekali.

Lebih membimbangkan, terhapusnya rasa takut itu bukan sahaja berlaku di kalangan mereka namun musibah terbesar ialah apabila perasaan takut itu tercabut dari jiwa para penjenayah. Biar pun hukuman gantung diperkenalkan sebagai hukuman mandatori ke atas kesalahan pengedaran dadah, jenayah itu masih berleluasa sehingga kini. Pelbagai

undang-undang diperketatkan, namun masih belum mampu menghapuskan jenayah narkotik di negara kita.

MUSLIMIN YANG DIRAHMATI ALLAH,

Bagi mengakhiri khutbah pada minggu ini, mimbar ingin menyarankan beberapa kaedah terbaik bagi mengembalikan rasa takut kepada Allah **سُبْحَانَهُ وَتَعَالَى**. Antaranya adalah:

Pertama: Sentiasa merasakan muraqabah Allah Yakni Allah sentiasa memelihara apa yang kita lakukan.

Kedua: Merasa gerun dengan amaran-amaran Allah melalui firman-Nya dalam al-Quranul Karim dan Hadis Baginda Nabi **صَلَّى اللَّهُ عَلَيْهِ وَسَلَّمَ**.

Ketiga: Bergaul dengan orang-orang soleh yang boleh menumbuhkan rasa takut kepada Allah SWT.

Keempat: Sentiasa bermuhasabah atas dosa-dosa yang telah dilakukan. Ingatlah bahawasanya setiap dosa yang dilakukan akan dibalas dengan seksaan yang keras sekiranya tidak disusuli taubat.

Kelima: Memikirkan kematian dan membayangkan sakaratul maut yang akan menjemput pada bila-bila masa.

أَعُوذُ بِاللَّهِ مِنَ الشَّيْطَانِ الرَّجِيمِ

إِنَّ الَّذِينَ يَخْشَوْنَ رَبَّهُم بِالْغَيْبِ لَهُمْ مَغْفِرَةٌ وَأَجْرٌ كَبِيرٌ ﴿١٢﴾

Maksudnya: “Sesungguhnya orang-orang yang takut (melanggar hukum) Tuhannya semasa mereka tidak dilihat

orang dan semasa mereka tidak melihat azab Tuhan, mereka
beroleh keampunan dan pahala yang besar.”

(Surah al-Mulk ayat 12)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ
وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ
قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ
وَالْمُؤْمِنِينَ وَالْمُؤْمِنَاتِ فَيَا فَوْزَ الْمُسْتَغْفِرِينَ وَيَا نَجَاةَ التَّائِبِينَ.



Khutbah Kedua Bulan November

2021M/ 1443H

أَلْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ،
وَعَلَى آلِهِ وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ
وَرَسُولُهُ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تُقَاتِهِ وَاعْلَمُوا أَنَّ اللَّهَ أَمْرَكُمْ بِأَمْرِ عَظِيمٍ،
أَمْرَكُمْ بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، فَقَالَ اللَّهُ تَعَالَى: إِنَّ اللَّهَ وَمَلَائِكَتُهُ
يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ وَعَلَى آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا
مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ
حَمِيدٌ مَجِيدٌ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا وَأَصْلِحْ أَيْمَتَنَا وَوُلَاةَ أُمُورِنَا وَاشْمَلِ اللَّهُمَّ بِعِنَايَتِكَ
وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-
Pertuan Agong, Al-Sultan Abdullah Ri'ayatuddin Al-Mustafa
Billah Shah Ibni Almarhum Sultan Haji Ahmad Shah Al-

Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَصَاحِبِ الْفَخَامَةِ

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ اكْشِفْ عَنَّا الْبَلَاءَ وَالْوَبَاءَ وَالْغَلَاءَ وَالْفَحْشَاءَ وَالْمُنْكَرَ وَالْمِحْنَ وَالْفِتْنَ، مَا ظَهَرَ مِنْهَا وَمَا بَطَنَ، عَنِ بَلَدِنَا هَذَا خَاصَّةً، وَعَنْ بُلْدَانِ الْمُسْلِمِينَ عَامَّةً، إِنَّكَ عَلَى كُلِّ شَيْءٍ قَدِيرٌ.

اللَّهُمَّ إِنَّا نَعُوذُ بِكَ مِنَ الْبَرَصِ، وَالْجُنُونِ، وَالْجُذَامِ، وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah dengan sifat-Mu yang Maha Pemurah dan Maha Mendengar! Kami hamba-Mu yang lemah merayu kepada-Mu agar engkau angkat dan hilangkan segera wabak penyakit Covid-19 yang sedang melanda kami agar dapat kami melaksanakan syiar-Mu dengan sempurna.

اللَّهُمَّ قَوِّ إِيْمَانَنَا، وَوَحِّدْ صُفُوفَنَا، وَاجْمَعْ قُلُوبَنَا عَلَى مَحَبَّتِكَ وَنُصْرَةِ شَرِيعَتِكَ، بِرَحْمَتِكَ يَا أَرْحَمَ الرَّاحِمِينَ.

سُبْحَانَ رَبِّكَ رَبِّ الْعِزَّةِ عَمَّا يَصِفُونَ، وَسَلَامٌ عَلَى الْمُرْسَلِينَ، وَالْحَمْدُ لِلَّهِ رَبِّ الْعَالَمِينَ.

(سورة الصافات)